

Hevalên hêja!

Xebata Welatê me di nava van Dused Salên çûyîn de di pir qonaxên cudan de hatiye derbaskirin. Pir hilat û dahatinên xwînavî di nava wan de hatine dîtin. Evaya jî tevde jî ji Bedbextîya Nezanîya me bi serê me ve hatine kirin.

Seltena Osmanî, Komara Turkî, Dewleta Sefewî, Kacerî, Pehlevî, Komara Islamî, Dewleta Iraqî û Surî bi hev re li dû hevdû de Dewlemendîya Welatê me ji xwe re her û her didin talankirin û hêjî biserderjî Miletê me ji xwe re didin kole û bendekirin. Na hêjî bêtir Dewleta Iraqê bi Çekên Kîmyawî û Biyolocî dixwaze Welatê me bide wêrankirin û Gelê me bide qirkirin.

Lêbelê tevlivê Destana Kurdistanêyi mezin jî rojekê Miletê Kurdî mêrxas û gernas dev ji vê xebata xweyî perest ji bona Azadî û Serxwebûna Kurdistanê xwe nedaye berdan. Bi Hezaran Sedhezaran ji baştirîn Kec û Kurên xwe wî ji bona Azadî û Serxwebûnê bi merdayeti dane gorîkirin. Dara Azadiya xweyî perest her û her wî ew bi xwina Pakên xwe ve dide avdan.

Miletêkî weha gernas û mêrxasî dilberê Kurdistanê xwe û perestê Azadîya xwe di Mêjûwa xweyî dirêj de ji Pênc Hezar Sal û bêtir bi darê zorê bi hinera pêşveçûnên Qanûnên Jînê de xebata wî bi Azadîyê û Serxwebûnê bête bi tac u xelatkirin.

Hevalên Hêja!

Di 16. Avdara Sala 1988 de bi bombebarandina Bajarê Biçûkî xweşevistî Helebçe Dewleta Navînîyî Dagîrkera Iraqê bi rast û durust hate rûxandin û ew di nava Goristana Helebçe de hate gorbigoorkirin. Ji bona tevaya Dunyayê re bi Pêkanîna Dewleta Mîliyî Serbixwe di Seranserî Kurdistanê de date mujdekirin.

Di vê roja tarî de Destana man û nema Netewê Kurd hate destpêkirin. Di mêjûwa meyî xwînavîyî dirêj de pir Şer û Cengên giran û mezin di nava Xakê Kurdistanê me de hatin vêketin û dadan. Di Cenga Cîhanî Yekem û Duwem de bi Milyonan Mîrov hatin tawikirin û kuştin, lêbelê Kuştareke wisa mîna Helebçe dir û hov hêjî di dirêjîya Mêjûwa Mîrovaniyê de nehatiye rûdan.

Bersiva Netewê Kurd li Seranserî Kurdistanê de li ser vê Destana man û nemanê de Havgirtin û yekbûna wî bû. Jivêjî di Seranserî Mejûwa me de, di Niha û Ayîna me de karekî weha hêja û bi kêr di tevaya Xebata me de ji bona Serxwebûn û Pêkanîna Dewleteke Mîliyî Serbixwe nehatiye dîtin.

Ev Bersiva rast û durust û hêjî bêtir bi neçari deha pêwîst di Sala 1992 de li Kurdistanê Jêrîn de bi destkevtinên mezin, giran û bi kêr di Mêjûwa Kurdistanê me de û herwehaji di Mêjûwa Rojhilata Navîn de hatin dîtin.

Di vê Sala pîroz de Helbijartinên weha Demokrasi di nava Kurdistanê Jêrîn de hatin kirin, ku nebes tenê di Mêjûwa Kurdistanê me de, lêbelêjî di tevaya Mêjûwa Rojhilata Navînê de bê nimûne bûn. Tevaya Dunyaya Bajartî bi van Helbijartinên Demokrasiyî nimûne di Kurdistanê lipaşveketî de dilxweş û bextiyar bû. Bes û bi tenha Serdarên Dagîrkerên Kurdistanê ji Rom, Ecem û Ereb taya lerza mirinê bi van Helbijartinên Demokrasiyî di nava Kurdistanê me de ew

datin girtin. Ew dizanin bi vê Helbijartina Demokrasî tevaya avaniya Koleti û Benditîya wan di nava Kîrdistana meyî perest de dê bi darê çû bêtin rûxandin ew jî dê di nava Goristana Helebçe de bête gorkirin.

Bidestekevtina Duwemî Mêjûyî di wê Sala pîroz de pêkanîna Desthilatîya Serdariya Milî di nava Kurdistan Jêrîn de hate pêkhatin. Bi vê pêkhatina Desthilatîya Serdariya Milî rê û bahn li pêş pêşveketîna Serxwebûna Welatê me de hate rast û textkirin.

Bidestkevtina Sêyem di wê Sala pîroz de ji tevan gewretir û bi deha di Mejûwa me de û herwehajî di Mêjûwa Rojhilata Navîn de bi kêrtir Dazanîna Dewleta Fêderalî-Hevgirtî di Kurdistana Jêrîn de hate dazanîn.

Vê Dazanîna Dewleta Fêderalî-Hevgirtî di Kurdistana Jêrîn de tevaya Xebata meyî dirêjî xwînavî bi Hezaran Sal di seranserî Mêjûwa Kurdistana meyî perest de bi serkevtinê date tac û xelatkirin. Xewin û Hêviya bi Hezaran, Sedhezaran ji Gorîvanên Rêya Azadiya Kurdistana me bi xweşî û bi geşî hate bicîhatin.

Sitêra Helbçe, Sitêra Serxwebûna Kurdistana me li asûwê Esmane me de hate çurusandin. Wê bi rohnaya xwe tevaya tariya Sedsalen Navinîyî Serdarên Dagîkerên Rom, Ecem û Erebb date tar û markirin.

Azadî, Serxwebûn, Demokrasî û Mafê Mirov di Kurdistana Jêrîn de ji bona Netewê Kurdî Perçekiri bi Destûra Jiyana wî bû.

Ev Destûra weha xurt û bi hiner di Mêjûwa Mirovanyê de pir Text û Komarên genî date rûxandin û pir Serên Sitemkaran mîna Ajdehak date kurtkirin. Jibervê Destûra pir bilind û hêja di Kurdistana me de taya mirinê gewde û laşên Dagîkerên, Talankerên û Geniyên Serdarên Rom, Ecem û Erebb daye girtin. Ji taya vê mirinê ew nayêtin rizgarkirin. Li pêş wan de pir Kesên mîna van Xwînxwaran li ser Sergoyê Mêjûwê de hatine bi cî û warkirin. Tevliivêjî ew hêji li ber mirina xwe de didin.

Di Sala 1993 de Serdariya Turkî, Surî û Îranê li Enqera û Şam de hatin komkirin û di dema tê de dê ew li Tehranê de jî bêtin komkirin, da ku ew ligel hevdu de vê Dewleta Havgirtî li Kurdistana Jêrîn de bidin rûxandin û ji nûve careke din Koleti û Benditîyê di nava Kurdistana meyî perest de bidin lidarxistin.

Ev karê hanê bi Pismanê wanî Sedam ve bi Çekên Kimyawî û Biyolocî nehate kirin, ma dê çawan ew bi van Sêwên Mêjûwê bête kirin? Ev Çepel, Gurî û Kotiyên hanê pir nezanin. Ew bi destên xwe Pengizandina xwe ji nava Kurdistana me didin bi lez û bezkirin û ew Goristana xwe di nava Kurdistana me de didin kûrkirin.

Azadî, Serxwebûn û Pêkanîna Dewleteke Milîyî Serbixwe di Kurdistana me de sitêra wê di asûwê Cîhana me de roj bi roj geştir û deha berz û bilindtir dibe. Hîç di vê Dunyayê de hêz û hinerek niye, ku ew li ber hêviya perest de, li ber vê Vîna Kurdan de rê bide girtin. Kurdistan yanjî neman. Ev durûjmê jîna me ye, na hêjî bêtir ew Armanca Mirovaniya me bi xwe ye.

Hevalên Hêja!

Ev Dewleta Kurdistanê Jêrinî perest, hêviya jîna Miletê Kurd li her Çar Perçên Kurdistanê de ye. Dujminên me rojekê ji rojan, bêhnê ji bêhnên ew Dujminatîya xwe beramber bi nabûdkirina vê Dewleta me nadin rawestandî. Ew hemû mîna hevîn, mîna Sedamîn. Jîbervêji divê li ser Kurd de ew bi vî çavî li van Dewletên hanê de bide temaşekirin û bi hîç regekî cudabûnkê di nava wan de nede kirin. Herwehaji Dostaniya me ligel Miletên Rom, Ecem û Erebi jî de divê mîna hevbin. Em divê Miletêkî ji wan di ser yê din re nedin girtin. Di vê Sitratiçiya hanê de tevaya zanebûna me di Mêjûwa me de beramber bi van Netewan tete derkevtin. Armanca Xebata me bi kêmtirîn Gorî û kurtirîn dem bi gihastina Serxwebûna me tete derketin.

Hêz û hinera meyî pêşî ji bona parastin û bipêşvexistina vê Dewleta meyî perest li ser Yekitiya Netewê me li Kurdistanê Jêrinî detete dîtin. Herwehaji divê tevaya Xelkên Kurdistanê vê Dewleta hêviya jîna me bi hemû Karinên xwe ve bidin parastin û bipêşve bidin xistin.

Hêjî bêtir man û nema vê Dewleta me bi Çarekirina Pirsîyarîya wêyi Abûrî ve tete girêdan. Dewleta Iraqê Welatekî sûtandî û wêrankirî bi Çekên Kimyawî û Biyolocî li dû xwe de dayite hiştin. Biserdeji ew ji bal Dewleta Iraqê ve û Yekgirtina Hevgirêdana Netewan ve Çardoriya Abûrî li ser de hatiye girtin. Biserdeji Siyaseta Diraviyî Iraqê di Pîrbûna Peran de tevaya Abûriya Welatê me di Kurdistanê Jêrinî de dide tar û markirin. Ger ku em vê Tengaviya Abûriyî dujwar li ser bingehê Hiş û dilsoziya Welatê xwe de bi başî nedin çarekirin, di encamê dawî de ev Dewleta me bivê yanjî nevê dê bête rûxandin. Da ku ev Dewleta meyî Perest, hêviya Netewê me neyete rûxandin, lêbelê ew her û her bête geşkirin û bihîmkirin, divê li ser em bi van rabûnên hanê rabin:

1. Nişankirina Sînorên vê Dewleta xweyi Fêderalî-Hevgirtî,
2. Berzkirina Ala Dewleta Fêderalî-Hevgirtî
3. Rizgarkirina wê ji Herema kêra Dînarê Iraqîyî mirî.
4. Lêdana Polên Dewleta Federalî-Hevgirtî, da ku Abûriya Welatê me li ser pîyên xwe de —> bête rawestandî.
5. Milîkirina hemû Dewlemendiya Serûştîyî Kurdistanê Jêrinî.
6. li ser Neftê û Avê, ku ew di Iro de û herwehaji di dema tê de xurtirîn Çekên me ye, divê em ligel Dirawsên xwe ji Erebi û Turk de bidin axivtin.
7. Pirsîyarîya Musilê ji nû ve li ser berjewendiya Yekbûna Netewê Kurd de di nava Çar çûpê Dewleta Fêderalîyî-Hevgirtî Kurdistan de bidin nuhkirin û li ser wê de ligel Birayên —> xweyi Miletê Erebi û Turk de bidin gift û gokirin.

Hevalên Hêja!

divê li vêderê de bi xurtî bête gotin, ku Man û Nema vê Dewleta me bi zanebûn û dilsoziya me ve vê carê tete girêdan. Her Car di dirêjbûna Mêjûwa me de dihate gotin, ku ketinên me ji ber hoyên lawaziyên meyî Supahî bûn. Di Cara pêşî de di Mêjûwa me de di kevtina Sala 1975 de em ji ber hoyê Siyasî hatin kevtin. Vê Carê ger ku em bêti3n kevtin, dê bes û bi tenha hoyê vê di Abûri de bête dîtin; jîbervêji divê li se me de em şev û rojê ji bona Çarekirina Tengaviya xweyi Abûri bi başî li ser bingehê Zanistiya Abûri de bidin xebatkirin.

Berlin, die 2. 4. 1993

Dr. M. S. Gouma